



Ўзбекистон Республикаси Президенти Шавкат Мирзиёев Қозоғистон Республикаси Президенти Қосим-Жомарт Тоқаевнинг таклифига биноан Шанхай ҳамкорлик ташкилоти Давлат раҳбарлари кенгашининг навбатдаги мажлиси ва «ШХТ плюс» форматидаги учрашувда иштирок этиш учун 3-4 июль кунлари амалий таширф билан Остона шаҳрида бўлади.



Зомин дунё нигоҳида



Антониу ГУТЕРРИШ, БМТ Бош котиби:

ШАВКАТ МИРЗИЁЕВ – МИНТАҚАДАГИ КЎПРИК ЎРНАТУВЧИ ТАШАББУСКОР, ТИНЧЛИК ЭЛЧИСИ

Биз билар эдикки, бир пайтлар Марказий Осиёда тарқоқлик кенг илди отган эди. Бугунги кунда эса минтақада янги муҳит яратилди. Бу, албатта, дўстлик, ҳурмат ва масалаларни ҳам-жихатликда кўриб чиқиш, мавжуд қийинчиликларни биргаликда енгиб ўтишга асосланган муҳит бўлди. Жуда кўп инсонлар

Марказий Осиёни дунё цивилизациясининг чор-рахаси деб атайдилар. Менимча, бу янги фикр. Мен Марказий Осиёни дунё цивилизациясининг маркази деб биламан. Бунга ишонч ҳосил қилиш учун Самарқанд ва Бухорога боришнинг ўзи кифоя қилади.

Шу ўринда Президент Шавкат Мирзиёевни фаоли-

яти давомида минтақадаги кўприк ўрнатувчи ташаббускор, тинчлик элчиси десам, муболага бўлмайди. Айни вақтда адолатга асосланган фаровонликни ташкил қилиш ва уни ўрнатиш бўйича жуда фаол иш олиб бормоқда. Бу Бирлашган Миллатлар Ташкилотининг Барқарор ривожланиш мақсадларига тўла уйғун.

Кун иқтибоси

>>> 4



Учрашув

Таассурот

«ШАРҚ ЭРТАГИ» ДЕБ НОМЛАНГАН САЁХАТ

Тошкент вилояти Бўстонлик туманининг сўлим оромгоҳида ҳордиқ чиқарган россиялик болалар Ватанига қайтишди.

Кунни кеча уларни Ўзбекистон касабаси уюшмалари илди кутиб олишди.

«Анор» болалар соғломлаштириш оромгоҳидаги 14 кунлик дам олиш болажонларга ёққани шундоқ кўриб турарди. Юзлари қуёшда тобланган, кўзларида бир олам таассуротлар ёниб турган кўйли-қизлар дастлаб саройни томоша қилишди. Концерт залида намоиш этиладиган дастурлар ҳақида маълумотлар олишди.

Шундан сўнг меҳмонлар «Томоша» болалар мусикий театр-студиясига ташриф буюришди. Уларга гуруҳ аъзолари томонидан тайёрланган марокли дастур намоиш этилди.

Ажойиб дастурхон безатилган хайрлашув кечасида Ўзбекистон касабаси уюшмалари Федерацияси раиси Қудратилла Рафиқов кичкинтойларга фахрий ёрликлар ва эсдалик

совгалари топширди.

Бу саёҳатимизни «Шарқ эртаги» деб номласак бўлади, дейди Россия мустақил касабаси уюшмалари Федерацияси вакили Анастасия Анисимова. Бу инсоний лойиҳанинг ташкилотчиларига раҳмат айтаемиз!

Болаларнинг қувончи чексиз. Улар ҳақиқий болаликни ҳис қилишди. Телефон ва ижтимоий тармоқларсиз ҳаётнинг нақадар гўзаллигини англашди. Оромгоҳдаги турли тадбирларда фаол иштирок этишди. Бу саёҳат уларга чиройли хотира ва таассуротлар улашди. Болажонлар қуёшли ва меҳмондўст ўлка - Ўзбекистонга яна қайтишларини бот-бот такрорлашди.

Гулрухбегим ОДАШБОЕВА,
Диёрбек ҒАНИЕВ (фото),
«ISHONCH» мухбирлари

ПАРИЖ ОЛИМПИАДАСИГА ЙЎЛ

«Париж – 2024» олимпиадасида қатнашиш ҳуқуқини берувчи лицензияни қўлга киритган юртимиз спортчилари орасида Ўзбекистон касабаси уюшмалари Федерацияси тизимидаги Болалар ва ўсмирлар спорт мактаблари бўлимларида шуғулланиб, маҳоратини ошираётган ҳамда катта ютуқларга эришаётган спортчилар ҳам бор. Бўлажак олимпиада олдидан Ўзбекистон касабаси уюшмалари Федерациясида 13 нафар ана шундай спортчи ва уларнинг мураббийлари билан учрашув ўтказилди.

Тадбирда таъкидланганидек, Президентимиз ташаббуси билан юртимизда профессионал спортчиларни тайёрлаш бўйича узлуксиз тизим яратилган. Натигада мамлакатимиз спортчилари жаҳоннинг нуфузли мусобақаларида юксак ғалабаларни қўлга киритиб, Ўзбекистон спорти салоҳиятини бутун дунёга намоён қилишмоқда. Тадбирда иштирок этган касабаси уюшма спортчилари орасида Олимпия, Жаҳон, Осиё чемпионлари ҳам борлиги бунга ёрқин мисол бўла олади.

Дарҳақиқат, мамлакатимизда жисмоний тарбия ва спортни ривожлантиришга низоҳатда катта эътибор қаратилмоқда, - деди Ўзбекистон миллий терма жамоаси аъзоси, халқаро тоифадаги спорт устаси, икки карра жаҳон чемпиони Акбар Жўраев. - Биз

эса бу имкониятлардан унумли фойдаланиб, юртимиз байроғини янада баландроқ кўтаришга ҳаракат қилмоқдамиз. «Париж – 2024» олимпиадасида ҳам энг юқори натижаларни қўлга киритиб, Президентимиз ва халқимиз ишончини оқлаш учун бор куч-ғайратимиз ва маҳоратимизни аямаймиз.

Шу ўринда эслатиш жоизки, Ўзбекистон касабаси уюшмалари Федерацияси спортчилари Франциянинг Париж шаҳрида бўлиб ўтадиган Олимпия ва паралимпия ўйинларида иштирок этиш учун 13 та лицензияни қўлга киритишди. Жумладан, 2 та оғир атлетика, 2 та байдарка ва каноэда эшак эшиш, 1 та сувга сакраш, 1 та академик эшак эшиш, 1 та енгил атлетика ва 6 та параканоэда эшак эшиш

спорт турлари бўйича лицензияга эга бўлишди.

Париж олимпиадасидан, албатта, кўплаб ғалабалар ва медаллар шодаси билан қайтаемиз, - деди параканоэ бўйича Ўзбекистон терма жамоаси мураббийи Дилшод Йўлдошев. - Бунинг учун спортчиларимизга барча зарур шароит ҳамда имкониятлар яратилган. Энг муҳими, давлатимиз раҳбарининг алоҳида эътибори барчамизни янада юксак марраларни забт этишга ундамоқда.

Тадбир низоҳасида учрашувга таклиф қилинган спортчи ёшлар ва уларнинг мураббийлари Ўзбекистон касабаси уюшмалари Федерацияси томонидан рағбатлантирилди.

Ўзбекистон касабаси уюшмалари Федерацияси Матбуот хизмати



◆ **Мушоҳада**

Узоқ йиллардан буён Туркияда яшаётган самарқандлик журналист Ситора Алихонзода яқинда Ўзбекистонга келди ва ўз кечинмаларини ижтимоий тармоқ саҳифаларида баён этди. Мадрдохликка эҳтиёжи йўқ, ҳамisha холисликка ёндашган қаламкашнинг сўзларида ҳар биримиз ўйлаб кўрсак арзийдиган жиҳатлар бор.

А РХАЙККА АЙЛАНАЁТГАН ИБОРА



ёхуд сув энди ТЕКИН ЭМАС

АРЗОН НАРСАГА НИСБАТАН «СУВТЕКИН» ДЕГАН ИБОРАНИ ИШЛАТАМИЗ. ЯНА ЖЎМРАКНИ БУРАСАК, ДОИМ СУВ ЧИҚАВЕРЕДИ, ДЕБ ҲАМ ЎЙЛАЙМИЗ. ЛЕКИН ЭҲИН КЕЛАЖАҚДА АЙНАН МАНА ШУ БИЗ ЎЙЛАМАЙ-НЕТМАЙ САРФЛАЁТГАН ИЧИМЛИК СУВ ЭНГ ҚИММАТБАҲО НЕЪМАТЛАРДАН БИРИГА АЙЛАНИШНИ, УНИ ДЕБ, ҲАТТО, ДАВЛАТЛАР ЎРТАСИДА УРУШЛАР ОЧИЛИШИ МУМКИНЛИГИНИ КЎПЧИЛИГИМИЗ ЎЙЛАМАЙМИЗ ҲАМ.

Дунёдаги умумий обихаёт микдорининг фақат 1 фоизигина чуққ сувдир ва у ҳам шиддат билан камайиб бормоқда! Хисоб-китоблар шуни кўрсатмоқдаки, 2030 йилга бориб, барча чуққ сув ресурслари инсон фаолияти учун эгалаб бўлини, яъни бу неъмат ҳам инвестиция манбаига айланиб, сотила бошлайди. Дунё микёсида сўнгги 100 йилда сув сарфланиши олти баробар ошган. Бу кетида 2050 йилга бориб, одамзотга хозиргига нисбатан икки қарра кўпроқ обихаёт зарур бўлади. Шунинг баробарида, тоза сув манбаи камайиб бораверади.

Хозирнинг ўзида 1,5 миллиард инсон доимий равишда сув танқислиги билан курашмоқда. 2 миллиард одам эса бу муаммага вақти-вақти билан дуч келиб турибди. Бу сайёрамиз аҳолисининг ярми чуққ сувга зорикмоқда деганидир. Ҳар кун 6000 нафарга яқин одам (асосан болалар) бу муаммонинг у ёки бу оқибатлари туфайли нобуд бўлмоқда. 2030 йилга бориб эса 500 миллионга яқин одам сув излаб қитъадан қитъага кўчиб юриши мумкин.

Умуман олганда, дунё микёсида ичимлик сув таъминоти келажақда қандай бўлиши бўйича мутахассислар қуйидаги икки тахминни билдирмоқдалар (энг кизиғи, ҳар икки тахминда Хитой билан Хиндистан фактори бор. Айнан шу икки давлат аҳолиси энг кўп бўлиши билан бирга ривожланиш суръати бўйича ҳам етакчилик қилишмоқда).

1. Йирик шаҳарлардаги қашшоқлик ва сув танқислиги, Африкадаги қурғоқчилик.

Хозирданок дунёдаги аҳолиси 10 миллион кишидан орტიқ 25 та мегаполиси ичимлик сув танқислиги ва оқова тизимларининг етишмаслигидан азият чекмоқда. Энг мураккаб вазият Хитойда. Мамлакатдаги 600 шаҳардан 550 таси юқоридаги муаммага озми-кўпми дуч келган. Хиндистонда ҳам аҳвол ҳавас қилгудек эмас.

Келажақда сувга талабнинг ошиби бориши қилшоқ хўжалиги махсулотлари, яъни озик-овқат муаммосини келтириб чиқаради. Бу муаммо инсонларнинг янада кучли табақаланишига олиб келади. Қашшоқлик ҳукм сураётгани камлик қилаётганидек, йилдан-йилга қурғоқчилик авж олаётган Африка қитъасидан миллионлаб муҳожирлар Европа ва Осиёга қараб йўл олишади ёки аллақачон йўл олишмоқда. Бу эса, ўз навбатида, ижтимоий муаммолар, ирқий зиддиятларга олиб келади.

2. Хитой сувни қайта ишлаш борасида етакчиликни кўлга олади. Дунё обихаёт истеъмоли бўйича янги тизимни ишлаб чиқади.

Ичимлик сувнинг танқислиги бутун дунё олимларининг эътиборида бўлади. Шўр сувни чуққлаштиришга миллиардлаб инвестиция ажратилади. Нефть хозир қанчалик кўп соҳаларни қамраб олган бўлса, келажақда сув таъминоти ҳам катта индустрияга айланади.

Сувни чуққлаштириш таннархи қамраб боради. Сувни чуққлаштириш учун сарф қилинган 1 доллар 5 доллардан 30 долларгача фойда келтира бошлайди. Бу борада ҳам Хитой олдинга ўтиб кетади. Сувни тежаб ишлаши бўйича янги ғоялар эгаларига оламшумул шухрат ва маблағ келтиради. Сув таъминотини назорат қилиш давлатларнинг асосий ишларидан бирига айланади.

Аброр ЗОҲИДОВ
«ISHONCH»

Ситора АЛИХОНЗОДА,
журналист

Холис нигоҳ

Туркиядан қайтган ватандош кузатувлари ...

БЕШ ЙИЛ ОЛДИН ВА БУГУН: БАРЧАСИ БОШҚАЧА

Хой, Ватандош! Ўзбекистонда қандай неъматлару файз-баракот ичида яшаётганингиздан хабарингиз борми? Билмасангиз, мана мен айтман: Ўзбекистонда макон, бундайин юрт бошқа жойда йўқ!

Эҳтимол, таширфимиз ёз фаслига тўғри келгани учундир, билмадим, ўзимизда ҳаёт анча тўкин-сочиндек туюляпти. Дастурхонларимиз файзли, пудимиз баракали.

Қиш фаслида газ, свет муаммоси бўлмаса, соғлиқ ва таълим тизимида сифат яшилланса ҳамда коррупция (порахўрлик, таници-билишчилик) тугатилса, Ўзбекистон ҳақиқатан жаннатмакон деган сифатга муносиб давлат бўлади.

Яна кузатиб шу хулосага келдимки, бизнинг инсонлар анча меҳнаткаш, топармон-тутармон! Самарқанд шаҳри ва туманларини айланиб, охириги икки йилда жуда катта ўзгаришлар бўлганига, бўлаётганига гувоҳ бўлдим. Энг муҳими, аҳолининг турмуш даражаси ўсган.

Буни ўзимча икки ҳолат билан изоҳлабман:

1. Одамларимиз четга кўп чиқиши (иш, саёҳат, зиёрат ва ҳоказо) ўзининг ижобий таъсирини кўрсатган;

2. Ёшлар, яъни ҳозирги авлоднинг замон билан ҳамнафаслиги, олдингиларга нисбатан кўпроқ яхши, чиройли ва енгил ҳаётга интилиши, янгиликка ўчлиги сабаб...

Бизда ўсиш ва илгарилар кучли. Туркияда биз яшайдиган бир туман ёки шаҳар билан қиёслайдиган бўлсам, беш йил ичида бу ерда (ўзимиздаги) ўзгариш, ривожланиш анча балинд, сезиларли даражада эканини яққол фарқлаш мумкин.

Агар шу суръатда кетадиган бўлса, келажақда янаям зўр, максимал даражадаги янгиланишлар бўлса, ажабмас. Одамларнинг кайфияти ҳам яхши томонга ўзгарган.

Билмадим, буни нима билан боғласа бўлади. Беш йил олдин одамларда тушқунлик, агрессивлик элементлари устунлик қиларди. Ҳозир эса аксинчадек.

Мени энг ҳайрон қолдираётган озиқ-овқат, ҳатто кийим-кечакларда нарх-навоини стабил туриши бўлди. Беш йил олдинги нархлар билан деярли фарқ сезилмайди.

Уша пайтлар ҳам битта оддий рўмолни 35-40 минг сўмга олардим, кеча бозордан учта рўмол(шарф)ни келиштириб 120 мингга олдим (9 \$). Туркияда эса биттасини 5-8\$ атрофида оласиз.

Ўғлим мевали йогурт ичади. Кунига 3-4 бутилкадан. Туркияда энг арзонини 25 TL (76 цент)дан олардик. Бу ерда эса 6 мингдан бошланар экан (48 цент).

Килограммга ўлчаб кийим сотадиган либос дўконлари бор экан. 250 мингга, бир кило - бир дунё хитой, ўзбек кийимларидан олдим. Сифати ҳам ёмонга ўшмамайди. Дизайни бўлса турк либосларига қараганда анча чиройли, бежирим.

Хуллас, ниманики солиштирмай, ўзимизда нархлар анча маъқул бўлиб чиқяпти.

Турмуш ўртоғим 800-1000 доллар атрофида маош олади. Лекин ўша маош билан рўзгор ва бошқа харажатларни ойига учма-уч етқазамиз. Бу пул билан эса Ўзбекистонда бир ойда шоҳона яшаш мумкин. Шунга ҳўжайинга ёзиб юбордим: Энди Туркияга бормайман. Сиз келинг деб. Қайтиб бурсам ҳам энди кўзим орқада қолса керак. Эҳҳ...

Ўзи Туркияга, туркларга, туркча маданият ва одатларга, айниқса, овқатларга зўра кўниккан эдим-а! Энди яна бошидан бошлашга тўғри келади.

Акция

Ходимлар соғлиғи йўлида САЙЁР СКРИНИНГ ЎТКАЗИЛДИ

«O'zbektelekom» акциядорлик компанияси Республика ихтисослаштирилган онкология ва радиология илмий-амалий тиббиёт маркази билан ҳамкорликда компаниянинг 45 ёшдан 65 ёшгача бўлган ходимлари ва нафақадаги аёллар учун кўкрак беги саратони скринингини ташкил этди.

Мазкур тадбир давлатимиз раҳбарининг 2021 йил 27 майдаги «Аҳолига гематология ва онкология хизматларини кўрсатиш тизимини янада такомиллаштириш тўғрисида»ги қарори ижроси доирасида амалга оширилди.

Акция сайёр скрининг машинаси ёрдамида, бепул профилактик тиббий кўрик тарзида ўтказилмоқда.

Маълумот учун: ҳозирги вақтга қадар «O'zbektelekom» акциядорлик компаниясида 45 ёшдан 60 ёшгача бўлган 576 нафар аёл ушбу имкониятдан фойдаланган.

Қайд этиш жоизки, ушбу ташаббус компаниянинг ўз ходимлари ва уларнинг оилалари фаровонлигини ошириш борасида амалга ошираётган ишларининг бир қисמידир.

«O'zbektelekom» акциядорлик компанияси Ахборот хизмати

ИПОТЕКА КРЕДИТИ: ИМТИЁЗ БОРМИ?

Аҳолини уй-жой билан таъминлаш ижтимоий-иқтисодий масалалар ичида энг муҳими бўлиб, имтиёзли ва қулай ипотека кредитларининг амалиётда қўлланиши бу борадаги ислохларнинг самарали ечимидир.

Тадбирда яқка тартибдаги уй-жой қуриш ва реконструкция қилиш учун ҳам ипотека кредитлари ажратилаётгани маълум қилинди. Бу йўналишда 1 353 нафар фуқарога 259 млрд. 100 млн. сўм микдориде ипотека кредитлари ажратилган.

қилинадиган квартираларга ҳам ипотека кредитлари очилганидир. Бу йўналишда «Ўзбекистон ипотекани қайта молиялаштириш компанияси» АЖ маблағлари ҳисобидан ипотека кредитлари йўналтирилмоқда.

Банк томонидан ажратилаётган кредитлар 3-20 йилгача, 12 ой имтиёзли даври билан 17,5-26 фоиз атрофида бўлиб, имтиёзли давр мавжудлиги мижозларга енгилликлар яратади.

Тадбирда яқка тартибдаги уй-жой қуриш ва реконструкция қилиш учун ҳам ипотека кредитлари ажратилаётгани маълум қилинди. Бу йўналишда 1 353 нафар фуқарога 259 млрд. 100 млн. сўм микдориде ипотека кредитлари ажратилган.

Ипотекали кредитлаш йўналишида белгиланган режалар юзасидан батафсил маълумот берилган анжуманда журналистлар ўзларини қизиқтирган саволларга жавоб олишди.

Умида ХУДОЙБЕРГАНОВА
«ISHONCH»

Эълонлар
Низомий номидаги ТДПУ қошидаги ККТ ва MOM томонидан 2014 йилда Хурамова Феруза Хазаратовна номига берилган QT№ 020719 рақамли қайта тайёрлаш ҳақидаги диплом йўқолгани сабабли бекор қилинади.

Янгиёул туманидаги «RICH DVERI SAVDO» масъулияти чекланган жамиятининг думалоқ муҳри йўқолгани сабабли бекор қилинади.

